

登

壇

必

究

登壇必究卷三十四

淮陰王鳴鶴 編輯

姑蘇袁世忠 校正

輯陣圖說二

王鳴鶴曰孔明八陣法方圓昉于圖書中外之制
昉井田四正四奇昉後天卦位其數起于五而終
于八總爲九軍八陣制度之妙于斯爲極後世凡
言陣法者必宗之以聰明多大畧如司馬懿按行
營壘亦嘆爲天下奇才有以也余嘗謂八陣妙矣


而最妙在遊兵八陣其四時也遊兵其閏也八陣無遊兵如四時而不置閏歲功虧矣其間變化若循環無端不過觸處爲首一言以盡其變是所謂常山蛇勢也觸不知應與無陣同應不知分合與不應同世之愚將拘於擊首尾應擊尾首應之說遂以一字陣爲長蛇藉令遇山礮狹隘之地欲其首尾相應勢將能乎否也故無所不觸則無所不應此深明其旨者陣法不拘方圓曲直唯能觸處爲首則恩過半矣

○諸葛亮八陣記


八陣之陣漢丞相諸葛亮經畧中原之所作也壘石爲之其迹在夔州魚復灘自古相傳乘之六十四陣而已易卦爲之宗握奇爲之原其孰能推之哉孔明乃則河圖之圖而分爲四層則洛書之方而分爲九軍則井田公私之制而分爲中外之營則文王後天卦位而定四奇四正之名西北乾卦也曰天陣西南坤卦也曰地陣東南巽卦也曰風陣東北艮卦也曰雲陣取艮爲霧也東方青龍之獸也曰龍陣西方白

虎之獸也曰虎陣南方朱雀之獸也曰鳥陣北方元武之獸也曰蛇陣中爲中軍陣太極之位也中軍四象爲正四陣爲奇四象四獸各以六陣相從或四象七陣四獸五陣中軍大將所居中中四陣爲餘奇大將所握別爲游騎二十四陣以繫八陣之後陣有八門開闔出入以爲變化南正手北正足中正身前奇首後奇尾左右奇翼游騎爪牙首尾伸縮以爲節也兩翼翕張以爲權也爪牙往來以爲勢也身體手足鶉立鰲據以爲主也氤氳變化爲方爲圓爲曲爲直


諸葛亮圓陣




諸葛亮曲陣



諸葛亮銳陣



諸葛亮直陣




唐太宗問曰陣數有九中心零者大將握之四面
八向皆取準馬陣間容陣隊間容隊以前爲後以
後爲前進無速奔退無遽走四頭八尾觸處爲首
敵衝其中兩頭皆救數起於五而終於八何謂也
李靖對曰諸葛亮以石縱橫布爲八行方陣之法
卽此圖也


太乙統宗曰四維爲正四方爲奇乾之天坤之地
巽之風艮之雲四正陣也震之龍兌之虎離之鳥
坎之蛇四奇陣也中間奇零握奇陣也四正四奇

所以分布之用握奇所以立陣之體也
草木子曰八陣圖出於井田公田卽中軍也私田
八家卽八陣也

遊騎二十二陣各屬分陣圖



陣 滾 兵 騎



營 踏 兵 騎

軍 前

奇 前

軍 右

巳

午

申

奇 左

卯



奇 右

寅

子

亥

軍 左

奇 後

軍 後

瞿塘魚復江前六十四魁其體方後遊騎二十四
魁形如却月共八十八陣也騎兵分爲四衝衛各
六陣以配大陣四正四奇中軍之用所謂四頭八
尾者是其制也行則騎兵居先止則騎兵居後戰
則奇兵變化如爪如牙其用不窮孔明總平列而
爲兩行寄於六十四魁之後人不測其故以爲殿
後之兵云


○扁箱車陣

扁箱車之陣晉將軍馬隆伐蠻之所作也古者車一

乘卒百人甲士三人在車上七十五人分三隊夾轍
爲戰備二十二人守副車爲殿或九乘爲偏或十五
乘爲偏或二十五乘爲偏厥後胡兵入中國車陣爲
虜所破陣法遂無傳而車亦失其制不復用矣迨漢
衛青李陵始用車以爲營衛乃自創法車一乘伏卒
二十五人以後出入迭戰豈古法哉晉元康間羌虜
木機能反涼州乘高布險以制官兵兵不能討舉馬
隆將墻循衛李遷士三千二百人配車一百二十八
乘乘二十五人每二乘相副爲一陣陣三百人爲遊奕

依孔明陣圖爲四層一層五十六乘二層四十乘三層二十四乘四層八乘路廣車上以木爲拒馬攢簇外向結營而行名鹿角車營路狹更施木屋以蔽矢石木屋拒馬高則難用故扁其箱以承之故曰扁箱車也扁誤作偏非瓊山邱濬所謂凡車皆二箱獨隆爲一箱之說也亦非張煜前後八箱之義也蓋凡用兵進征與深入者虜情未諳地險未審皆當固守爲之本孔明八陣圖內外相包部伍不亂所謂先爲不可勝是也馬隆依之所以爲深知兵法

馬 隆 扁 箱 車 營



綱目馬隆傳初涼州刺史楊欣失羌戎之和而欣爲虜所沒河西斷絕晉帝每有西顧之憂馬隆曰臣請募勇士三千人無問所從來率之鼓行而西醜虜何足滅哉帝從之隆募限腰引弩三十六鈞弓四鈞立標簡試自旦至申得三千五百人於是西渡溫水羌虜木機能以眾萬計或乘險以遏隆前或設伏以截隆後隆以八陣圖作扁箱車地廣則爲鹿角車營地狹則爲木屋施於車上以蔽矢石且戰且前轉戰千里殺傷以千數與木機能大

戰斬之涼州遂平

唐太宗曰晉馬隆討涼州亦是依八陣作屬箱車
地廣則用鹿角車營路狹則木屋施於車上且戰
且行信乎正兵古人所重也李靖曰臣討突厥時
西行數千里若非正兵安能致遠偏箱鹿角兵之
大要一則治力一則前拒一則東部伍三者迭相
爲用斯馬隆所得古法深也


○李靖六花陣記

六花之陣唐衛公李靖開國之所作也本孔明八陣


圖而變之其中心一二層十有六點爲中軍此不易者惟以外三四層四十八點鈞連而有六陣左右總管各二陣左右虞候各一陣各皆八點以相從所謂八陣爲六孔明之舊法卽此圖也李靖因之內方環之爲圖外直畫之爲方疏而開之其形六出故號爲六花中一如花心外六爲花瓣云其隊數參用古法步騎與車三者相兼而間立步隊百人爲率騎隊二十五人爲率車隊七十五人爲率車曰駐隊步曰戰鋒隊爲正居前騎曰戰隊曰跳蕩隊爲奇居後中外

凡七軍杜佑通典因述爲七軍陣正六花之別名也
其教閱恒用三萬人分左右六箱一箱爲營法五箱
爲方圓曲直銳之形安營布陣以六花爲正中軍爲
奇斯陣也以開唐家之運制服夷狄其功偉矣若以
爲盡孔明之闡奧則猶有間也


圖六爲陣八對相折曲連鈞落隅




諸葛亮八陣圖舊法爲六陣



陣花六爲變方之畫外圓之環內靖李



六花七軍七軍徒車騎布列陣



唐太宗曰卿所制六花陣出何術乎靖曰臣所本諸葛亮八陣法也大陣包小陣大營包小營隅落鉤連曲折相對古制如此臣爲圖因之故外畫之方內環之圓是成六花俗所號耳太宗曰內圓外方何也靖曰方生於步圓生於奇方所以矩其步圓所以綴其旋是以步數定於地因地之行綴應於天象天之圓步定綴齊則變不亂八陣爲六武侯之舊法焉太宗曰畫方以見步點圓以見兵步教足法兵教手法手足便利思過半乎靖曰吳起云絕而

不離却而不散此步法也教士猶布棋於盤若無
畫路某安用之孫子曰地生度度生量量生數數
生稱稱生勝勝兵若以鑑稱銖敗兵若以銖搏鑑
太宗曰深乎孫子之言不度地之遠近地之廣狹
則何以制其節乎靖曰庸將罕能知其節者也善
戰者其勢險其節短勢如獵弩節如發機臣修其
術凡立隊相去各十步駐隊車去師隊騎也卽二
十步每隔一隊立一戰隊步前進以五十步爲節
定限角一聲諸隊皆散立不過十步之內至四角聲

籠鎗跪坐

籠槍以手執槍橫當膝處跪坐曲其前腳八字而立

於是鼓之三

呼聲喊

三擊三十步至五十步以制敵之變馬軍從

背出亦五十步臨時節止前正後奇再鼓之則前

奇後正復邀敵來伺隙擣虛此六花大率馬也太

宗曰車步騎三者一法也其用在人乎靖曰臣按

春秋魚麗陣先偏後伍此則車步無騎謂之左右

拒言拒禦而已非取出奇勝也晉荀吳伐狄舍車

爲行此則騎多爲便惟務奇勝非拒禦而已臣均

其術人一馬當三人

二十四馬當一車七十五人

車步稱之混

爲一法用之在人敵安知吾車果何出騎果何來
徒果何從哉或潛九地或動九天其智如神惟陸
下有焉臣何足以知之

大抵神宗命極審
檢校而推演之

凡出兵且以二萬人爲準分爲七軍中軍四千人
左右虞候二軍各二千八百人左右四軍各二千
六百人總而言之得二萬人內取一萬四千人爲
二百八十隊戰備六千人守轄重中軍四千人內
選戰兵二千八百人五十人爲一隊計五十六隊
其閒弩手四百弓手四百馬軍一千跳蕩五百奇

兵五百左右虞候軍各二千八百人每軍取戰兵一千九百人弩手弓手各三百馬軍五百跳蕩四百奇兵四百左右軍各二千六百人每軍內取戰兵一千八百五十人弩手二百五十弓手三百馬軍五百跳蕩四百奇兵四百凡出戰布陣先從右虞候軍引出次右軍次中軍次後軍次左軍次右虞候軍自馬軍八十隊外其步軍二百隊中軍三十六隊左右虞候各二十八隊左右四廂各二十七隊須先置大隊以三十隊或作二隊合爲一隊防賊

并兵衝突其隊在陣中安置兵大隊五十隊

或作十五

隊中軍三隊餘六軍各二隊通五千人隊合百七

十隊爲戰駐等隊其馬軍各在當戰駐隊後左右

下馬立布陣訖鼓聲發其弩手去賊百五十步卽

發箭弓手去賊六十步卽發箭若賊至二十步內

卽射手舍弓弩令駐隊人收其射手先絡膊將刀

棒自隨卽與戰鋒隊齊入奮擊戰鋒每隊重行在

戰隊前聞鼓聲卽入也其馬軍跳盪奇兵不得輕

動若步兵被賊蹙逐跳盪馬軍奇兵迎前騰擊步

兵須却回整頓援前若跳盪奇兵又爲賊排退戰
鋒等隊卽須齊進奮擊如擊賊退馬軍亦不得遠
追審知賊勢散亂然後追襲其駐隊不得輒動如
追襲敗賊賊勢散亂然後追襲賊敗已收軍其舉
槍卷旗一依教法如營不牢固無險可恃則軍中量抽一兩隊充駐隊令堅營壘
若官牛固不要防守其駐隊亦不須出戰若敵人恃險因山布陣不得
行列兵士分立則宜爲立或作堅陣法其法弩手弓
手與戰鋒隊相間引前駐隊兩邊相翼布列旣定
諸軍聽角展旗簇隊看大將黃旗何敵亞鼓聲動

諸軍弩手弓手及戰鋒隊各令人捉馬一時籠槍
大呼齊人若弩手弓手戰鋒等隊排次回還卽跳
盪奇兵再入如見黃旗却立不亞及聞擊鉦聲乃
止膊上架槍引還各於舊處排立如聞角聲卽捲
幡簇隊如便放散更聽鼓角聲依軍次還營此出
戰布兵之大率也其便宜變易則按諸陣之法凡
軍行遇敵卽縮爲方陣待戰方陣具軍行次第門敵人或擊
我前或擊我後進止未得者其陣中間尤忌斷絕
須速令總管部勒逐方面兵相承勿斷也

凡兵出戰每營跳盪馬軍隊戰鋒隊駐隊轄重隊
分爲五等各有將等領出時先用四等兵人戰若
續者益兵則令一等進如此至盡五等轄重隊不
得輒用

凡兵每隊有隊頭兵須隊前引則戰次立執旗次
立左儂旗在左右儂旗在右次則隊兵分別五行
在儂旗後左右均立第一行戰鋒七人第二行八
人第三行九人第四行十人第五行十一人五行
皆解鎧布列爲隊也

凡戰隊皆以副隊頭一人執刀押後觀兵士不入陣者斬果殺領僕人執刀又居後督戰觀不入陣者斬兵士盡須知左膊右肩行立依次

凡隊頭與賊鬪追蹤卽左右僕旗急須赴前救援若僕旗又被賊迫蹤卽行內急前救援前行進救爲賊所迫則後行準前進救

凡隊伍被賊攻迫眾寡不敵鄰近隊伍並須齊進救援之

凡以十人敵一則圍之五人敵一則三人攻之二

人爲奇伏

凡兵方戰其跳盪奇兵馬軍等隊卽須量抽人馬當之乃於隊內抽捉馬人

凡彼我相敵以地利阻之不得地利以陰伏阻之又不得則併力偏攻

凡料敵戰地若便利則守不則去若未得戰地雖見利不可就之

凡背山戰宜藏軍少少誘之入伏攻之

凡背水戰步軍當衝馬軍爲翼步軍後排營有利

則前戰無利則淺進

凡軍前有水陷我則據高以待之候賊至陷中卽擊若賊不來則設伏退軍誘之

凡駐軍結陣不得包原隰險阻在內

凡前有深草我卽緩行以待之候賊來入草則焚之賊若守不進我則迂路攻之

凡糧道易絕雖有大利不宜深入

凡前無虜掠糧不支月不宜深入

凡暴寒暴暑雖見大利不宜進攻

凡賊無故退軍不可進逐

凡賊守隘險我不得前進則易路退軍以誘之
凡兵趨賊帳或中道遇大城要砦須下之或備之
而後過

凡遇賊相迎我從直路置賊迂路使之力疲可勝
凡前路有險阻賊又固守則示利誘之潛令人趨
皆奪之

凡賊半隱半見似驚似亂必有謀不宜攻之

凡賊數來掠我激怒士眾或偏師挑戰者不須應

之恐設伏陷軍

凡賊入隘口待十過其二則從後捉脅之如賊驚亂卽奮兵橫斷之然後戰

凡賊出隘口來鬪候其半出擊左右夾攻斷其進退之路可全虜

凡賊隊暴來掠苗稼牛羊者當勿擊其銳按兵自固候其暮去必重掠力疲其心亦恐退還務速行陣不屬我則進擊之

凡賊來震威部伍又整我須且擇險地自固卑詞

禁掠無激其怒賊既眾又且日久伺其懈怠或方食時可急擊

凡兵士當戰不得離隊獻功恐爲賊所乘

凡擊敵營陣初破不得更掠生口

凡戰勝逐奔約三百步則須收軍整隊恐賊窮返鬪軍亂難整遣候騎審探若已潰則長驅追襲仍令散逐之勿令敵眾得聚

凡賊敗而走追之防有救援過一里且止則嚴兵緩進常去十里隨之晝則時時驚之令不得食夜

則以火照之以鼓脅之令不得宿野

抽隊







夫兵進輕退重士卒利退爭先難整若自後驚我軍衆必亂敵若乘而襲我其患尤甚故對陣抽軍須設方計隔一隊抽一隊隊頭押官旗押後副隊頭旗引前隊兵皆看副隊頭進止退及百許步其陣便且止定立整頓槍刀執弓弩架箭爲將戰勢既定則又抽前隊一如上法若賊來逼則立隊便當捍敵見抽之隊亦須回軍拒戰

凡退並按次徐動不得急行仍逐隊不得相越


圖 開 方 教 花 六

左虞候	左總管	左總管	事
▽	▽	▽	事
△	△	△	管
△	△	△	字
△	△	△	事
△	△	△	事
△	△	△	事
△	△	△	事
△	△	△	事







六 花 方 陣






六花圖陣




六 花 曲 陣



六花直陣



六 花 鏡 陣




唐太宗曰卿六花陣畫地幾何靖曰太閣開方一千二百步者其義六陣各占地四百步分爲東西二廂空地一千二百步爲教閱之所臣常教士三萬人每陣五千以其一爲營五爲方圓曲直銳之形每陣五變凡二十五變而止

開元皇帝講武義註仲冬之月講武於都外前期十有一日有司先芟萊除地爲場方一千二百步四出爲和門又於其內壇地爲六軍營城處所左右廂各爲三軍皆上軍在北中軍次之下軍在南


東西相何中間相去三百步五十步立表一行凡
立五行表間前後相去五十步爲三軍進止之節
至日左右三軍各長史二人振錫分循以警眾遂
聲鼓有司舉旗士眾皆起騎徒皆行及表擊鉦騎
徒乃止又擊三鼓有司偃旗士眾皆跪又擊有司
舉旗士眾皆起騎驃徒趨及表乃止整列位定東
軍一鼓舉青旗爲直陣西軍亦鼓而舉白旗爲方
陣以應之次南軍亦鼓而舉赤旗爲銳陣北軍亦
鼓而舉黑旗爲曲陣以應之次東軍鼓而舉黃旗

爲圓陣西軍亦鼓而舉青旗爲直陣以應之次西
軍鼓而舉白旗爲方陣東軍亦鼓而舉赤旗爲銳
陣以應之次東軍鼓而舉黑旗爲曲陣西軍亦鼓
而舉黃旗爲圓陣以應之凡陣迭爲主客先舉者
爲客後舉者爲主從五行相勝之法爲陣以應之
騎兵皆如步兵之法

七 花 六



軍 方 营



中軍營外轄重二十四隊內戰兵騎兵二十隊跳蕩十六隊馬軍十六隊計七十六隊

左虞候右虞候二營各外轄重一十八隊各內戰兵騎兵一十六隊跳蕩十隊馬軍十隊計五十四隊

左總管右總管四營各外轄重一十五隊各內戰兵奇兵一十六隊跳蕩十隊馬軍十隊計五十三

隊

武經總要李靖法凡大將軍出征且約授兵二萬

人卽分爲七軍如或少臨時更定

大率十分之中以三分爲奇兵

中軍四千人內取戰兵二千八百人

五十人計五隊爲一隊

十六隊戰兵內弩手四百人弓手四百人馬軍一

千人跳蕩五百人奇兵五百人左右虞候各一軍

每軍各二千八百人內各取戰兵一千九百人

七十人計六隊戰兵內每軍弩手三百人弓手三百人馬軍

五百人跳蕩四百人奇兵四百人左右兩廂各二

軍每軍各二千六百人內各取戰兵一千八百五

十人

共計一百四十人

隊弩手二百五十人弓手三百人馬

軍五百人跳蕩四百人奇兵四百人○凡馬步軍
通計總一萬四千人共二百八十隊當戰餘六千
人守轄重下營之時以四千人爲中營在中心左
右虞候左右廂四軍共六總管各一千人爲營六
面援中軍六總管下各更有兩小營每隊幕五口
若在賊境地狹則四步下幕若地廣寬不在賊境
則五步下幕○凡五十人爲一隊其隊內兵士須
結其心每三人自相得意者結爲一小隊又合三
小隊得意者結爲一中隊又合五中隊爲一大隊

餘步五人押官一人隊頭執旗一人副隊頭一人
左右僕旗二人卽充五十人至於行立前却當隊
並須自相依附如三人隊失一人者九人隊失小

隊二人者臨陣日卽押官隊頭便斬不救人陣散

計會隊內少者勘不救所由斬○每軍大將一人

別奏入人
僕十六人副二人

分掌軍務奏僕
城大將軍半

判官二人與四

人總管四人

二主左右虞候二王
左右押衙僕各五人

子將八人

委其
分行

陣辨金鼓及總
管僕各二人

執鼓十二人吹角十二人司兵倉

司騎司胄承局各一人每隊五十人押官一人隊

頭一人副隊二人旗頭一人副二人火長五人○
纛六口大將軍中營建出引六軍天子六軍諸侯
三軍唐制天子一十二衛諸侯六軍故纛有六以
主之○門旗二口色紅八幅大將軍衙門之旗出
引將軍前列○門檻或作牕二根以豹尾爲兩柱出
居紅旗後止居帳門前左右車立○五方旗五口
各隨其方色大將軍中營建出隨六纛後在營亦
於纛後隨方而建○嚴警鼓十二面大將軍營前
左右行列各六面在六纛後○角十二具於鼓左

右行列各六具以代金○認旗二百五十口尙色
圖禽獸與諸隊不同令自出爲誌認出居隊前恐
士卒交雜陣將門旗色隨所尙不得以紅恐亂大
將軍○陣將鼓一百二十五面備設疑警敵用○
甲六分七千五百領○戰袍四分五千領○槍十
分一萬二千五百根備揚兵及縛筏用○牛劖牌
二分一千五百面馬軍一團牌代四分支○弩二
分弦三副箭十百分計弩二千五百張弦七千五
條箭三百五萬隻○弓十分弦三副箭三十六分

計弓一萬二千五百張弦三萬七千五百射甲箭
三十七萬五千隻生鋼箭五萬隻長朵箭二萬五
千隻○弓袋葫蘆張弓袋並十分一萬二千五百
副○佩刀八分一萬口○陌刀二分二千五百口
○棓二分二千五百張馬軍及陌刀並以啄錐鍼
斧代各四分支共五千事○柂索二分二千五百
條馬軍○驥六分七千五百頭鞍轡自付○鍋一
分一千二百五十口各受五斗○乾糧十分一人
一斗二升一軍二千五百石○麪袋十分一萬二

千五百口羊皮縫可繞腰受一斗五升或以夾絹
練袋代皮亦得馬盂十分一萬二千五百具背以
堅木爲之或以熟鐵爲之受三升冬月可煖食○
刀子鋗子鉗子鑽子藥袋鹽袋火石袋解結錐礪
石都共一十萬二千五百事○袴奴抹額六帶帽
子毡帽子各十分都共一萬二千五百事○攤子
鞶轡澣子各三十分三萬七千五百量○麻鞋三
十分三萬七千五百量毡裘十分一萬二千五百
領○皮袋皮袴各三分都共七千五百領詐爲蕃

兵用○柳罐栲栳各二分共五千四百有皮囊可代柳罐○鋤鎚斧鋸鑿各二分都共一萬二千五百事○鎌四分五千張○切草刀二分二千五百口○行布槽一分一千五百五十具○大小瓢二分都共一萬二千五百枚小者容八合大者受二升馬鞍轡革帶各十分都共三萬七千五百具○披毡被馬毡都共三萬七千五百事馬軍無幕故以披毡代○揷捷十分一萬二千五百具○絳二十分二萬五千條皮毛及連板或作枝中半○韋皮

條三十分三萬七千五百條盤於帶上擬縛賦用
○大總管給帳一口食幕三口毡四領褥四領○
副大總管給帳一口食幕二口毡二領褥二領○
副總管給帳一口食幕一口毡一領○總管子總
管長史司馬各給帳一口食幕一口毡一領○判
官每人各幕一口○別勅差行折衝果毅各幕一
口○典五人共給幕一口○僕十人共給幕一口
隨軍以下不滿此數並量給○鎮守準此


凡弓弩有副箭鎗鎗不鏽刀不澁衣甲動用常須

閻視不得臨事有悞

諸逢平原曠澤無險可恃卽作方營兵既有二萬人已分爲七軍中軍四千人左右四軍各二千六百人虞候各二千八百人左右軍及左右虞候軍別三營六軍都當十八營中軍作一大營如不在賊境田土寬平每營中間容一營地狹不拘中軍在中六軍總管在四畔象六出之花軍出右虞候引其前營在中央右廂在南左虞候押後在中央後左廂近北結角與右虞候相當北同日月若左


虞候在前卽右虞候在後諸軍並却轉其左右兩
廂營在四面各令依本營卓幕得相統攝急緩須
相救援若不欲得放馬在其外營幕卽挾長布列
務取營內寬廣營外仍置拓隊凡弓弦有副箭鎗
不鏽刀不澁衣甲動用常須閱視不得臨時有悞

營 月 偃 軍 七



武經總要李靖營法凡地帶半險須作偃月營其
營軍列面並背險而兩翅向險如月初生每營相
去疏密及安置部伍與前法同其門臨時計之若
兵馬多少幕次所設此大約也如有警急牧畜之
類並於營後安置

李靖六花陣行軍次第圖




登壇必究

卷三




陣圖二

七





大前進
五十隊行


次前軍馬
軍十隊行



大中軍馬軍
二十隊行











大軍軍步軍
五十三隊行

大軍軍馬
陣十隊行





卷之二
五十二隊行



武經總要李靖法凡軍將行先使腹心及鄉道前
覩逐營各以跳盪奇兵馬軍先出去營一里外當
前面布列戰鋒隊駐隊各持仗依營四面布列隊
伍一如臨陣法待營中裝束輜重訖依次第起發
凡聞第一角聲絕右虞候捉馬驥第二角聲絕卽
被駕右一軍捉馬驥第三角聲絕右虞候卽發右
一軍被駕右二軍捉馬驥第四角聲絕右一軍卽
發右二軍被駕以後諸軍每聽角聲束裝被駕準
此每營各出一戰隊令取虞候進止防有賊至便

用騰擊如其路更狹小須更加角聲仍令將校排

比催督急過勿令停擁其步兵隊輜重二十步外

引馬軍去軍二里外引

李靖裴

續法同

右行軍之法大率如此其輜重在內計兵二萬人

凡四百隊於馬軍八十隊輜重六千人外奇兵等

隊悉在內也

凡軍行常先右虞候馬軍爲首次右虞候步軍次

右軍馬軍次右軍步軍次前軍馬軍次前軍步軍

次中軍馬軍次中軍步軍次後軍馬軍次後軍步

軍次左軍馬軍次左軍步軍次左虞候馬軍次左虞候步軍其行每經高處卽令三五騎馬踏高四顧以候不虞餘軍準此候望右虞候卽先發主安營踏行道路檢行水草左虞候先排窄路橋津捍後收拾闌遺排比隊伏整齊軍次使不交雜若回入先左虞候馬軍次左虞候步軍次左軍馬軍次左軍步軍餘次第準前却轉軍職掌轉初發交換凡道狹不可並行者卽第一戰鋒爲首右戰隊次之左戰隊又次之右駐隊又次之左駐隊又次之

若道澗可得並行者宜作統行法其統行法每統戰鋒隊居前兩戰隊並行次之又兩駐隊並行次之餘統準此若更堪齊頭行者每統五隊橫引齊行後統次之如每統三百人簡取二百五十人分爲五隊第一隊爲戰鋒隊第二隊爲戰隊第三隊爲奇伏隊第四五隊爲駐隊隊頭一人副隊一人其下等五十人爲輜重隊別著隊頭一人副隊一人擬戰日押輜重遙爲聲援若兵數更多皆倣此類

凡兵每隊給一旗行則引隊住則立於隊前或作側

大總管及副管則立十旗以上小旗營則立四旗

以上行則前引住則立於帳前或作側統頭亦別給

異色旗擬臨陣之時辨其進退駐隊等旗別用製

造令引輜重各令本軍營隊識認此旗

凡大將建五方旗依色配方面

青龍色以碧代之務異別也

中

央土位不動故大將軍以黃旗爲四旗之主若使

諸軍準望知大將軍所在若南方有賊大將舉赤
旗以應之東方有賊則舉青旗以應之西方有賊

則舉白旗以應之北方有賊則舉黑旗以應之無
賊常偃之法旗者令諸軍知賊所從來也其諸軍
見本方旗舉當方面兵急裝束旗若亞則進前奮
擊旗正立卽止旗却偃卽回凡大將置鼓四十面
小總管給十面營列給鼓一面行則負隨纛下擬
晝夜及在道有警急擊之令傳響相聞如軍行時
軍前卒逢賊卽急擊鼓中腰聞之抽兵急救中腰
有警前軍便住後軍有警中腰亦如之凡有警皆擊鼓並

後得聞

凡行軍須用候騎前持五色旗見溝坑揭黃河橋
揭白水泉揭青野火揭赤以告大將

凡軍行若遇道途泥濘山海險隘並右虞候於諸
軍抽取役兵先行以充修理橋道開拓窄隘之用
凡分兵數道於賊界相逢遠望未審善惡臨發時
須同計會如遠探相見之時便令定立合令一隊

向前二百步外分爲兩左隊左或作右轉右隊右或作左前
轉待前隊亦盤旋相應訖卽併隊左轉三匝前

軍右轉三匝各記去時旗號臨時改號各記然後各令一人相迎委非賊馬卽得前進仍須嚴以待之

凡軍行在道十里齊整休息三十里會乾糧六十

里食宿

古者三十里爲一舍倍道兼行一日再舍今六十里爲食宿亦量軍士緩急爲節

凡軍行其輜重委積並在營陣中安置以防焚掠

凡下營排兵布隊人皆取隊後過發兵收軍皆取

隊前過如入城郭街巷窄狹兩面下營人卽隊前




過

凡軍所過先報所在四面各三里禁絕行人六畜

水陸船乘虞候併遊突厥與地界所由先二十二里
約此請路

國 空手道七段特

三



第一分戰鋒隊左行

第二分騎重隊右行

第三分騎重隊右行

第四分戰鋒隊右行

第五分戰鋒隊左行

第六分騎重隊左行

第七分騎重隊左行

第八分騎重隊右行

武經總要李靖法凡軍行漸邇賊陣或行賊境我軍有數營發引逢賊首尾難救須行引時先準爲方陣行列以兵分爲四分輜重爲兩道引戰鋒等隊亦爲兩道引其地一分初發輜重及戰鋒分爲四道行兩行輜重在中心雙引戰鋒隊並各在輜重外左右夾雙引其第二分戰鋒隊與前面左右行戰鋒隊相當輜重隊與前行輜重隊相當其第三第四分並準上

○四門斗底陣記

四門斗底之陣唐衛公李靖開國之所作也隋大業
中征遼東制每軍一萬二千人百人爲隊騎兵四十
隊步兵八十隊各分爲四團將發步兵第一團出營
東門東向陣第二團出營南門南向陣第三團出營
西門西向陣第四團出營北門北向陣輜重隊乃出
第一團輜重出收東面陣分爲兩道夾以行第二團
輜重出收南面陣夾以行第三團輜重出收西面陣
夾以行第四團輜重出收北面陣夾以行至營第一
團騎兵陣於東第二團騎兵陣於南第三團騎兵陣


於西第四團騎兵陣於北合爲方陣四面外向護以車乘亦如之步兵各以其輜重入於陣內以次安營此蓋隋高祖楊堅之成法也李靖六花七軍之陣

演息

其法一軍三萬人五十人爲隊騎兵八十隊步兵四百隊輜重兵一百二十隊亦各分爲四分引行止舍一以爲則焉斯陣也取其簡便易成變化不滯而已李靖六花用之善矣苟制陣無奇正分合之勢徒方陣以當敵則騎兵見蹙於前者有妨於退步兵欲救於後者不便於進出入相躁行列難行雖將如列鎗

尙無疊障之善策況其他乎

李靖四門陣底陣



武經總要李靖

與隋法同

凡軍行旣逢賊卽抽第一分

中兩行輪重橫列在內爲兩重其兩行戰鋒隊橫
列在外兩重爲陣前面第二分中兩行輪重卽進
前居陣內右偏直列爲兩重其兩行戰鋒隊進前
亦直列爲兩重居右偏輪重外爲陣右面其第三
分戰鋒輪重依第二分法轉爲陣左面第四分戰
鋒輪重依第一分法轉爲陣後面令四角相接結
成方陣緩急遇賊卽戰賊遠則成陣而行常令輪
重併近前頭戰鋒隊相去十步下一隊則戰鋒常

裹輜重若逢川陸平坦用之尤便要在前行隊縱橫相當布列使均也

○十二將兵陣記

十二將兵之陣唐衛公李靖定邊之所作也以乘之陣外兩層四十八陣各四分之爲十二小陣四隅四陣爲奇四方八陣爲正奇兵用騎正兵用步兵各一團將各一人中騎兵十有六陣爲中軍大將主之大將統乎四奇之將四奇統乎八正之貢首尾有相因之勢行止有相隨之分奇正有同力之義故名爲十

二將兵之陣是時突厥寇掠據騎奔衝復變六花而爲此也唐太宗蓋用其法太宗爲秦王破劉武周軍中作破陣樂舞前出四表者非象四奇乎後綴八旛者非象八正乎用一百二十八人者以六十四陣爲總陣八正之員各領八陣別有六十四小陣以爲中軍一人所以象一陣也其原同出於武侯而各隨所變故杜佑推演孔明布列之序直以太宗李靖之法以爲之法夫豈無所本哉

陣 兵 將 二 十 靖 李

前奇

先鋒

右角

右奇

左角

中軍

爪

左牙

右牙

左翼

右翼


總兵

參謀

通鑑綱目李靖曰八陣乃武侯舊制世用之而不
可易今損益其制其成十二將兵爲陣法自一至
九變化無窮十二將兵曰四奇曰八正以步人爲
正以馬軍爲奇四奇一曰前奇二曰右奇三曰左
奇四曰後奇八正一曰先鋒二曰右角三曰右爪
四曰左爪五曰左角六曰左牙七曰右牙八曰後
軍常以一奇當二正前奇當先鋒左角右奇當右
角右爪左奇當左爪左牙後奇當右牙後軍四奇
取稟於大將四正取稟於四奇故正常以奇爲首

各視奇之所止出各視奇之所行奇常在前正常
在後卒然遇敵觸處爲首因敵變化循環無窮所
謂以寡制眾者也

杜佈兵將二十列陣



杜佑曰初鼓前將及左牙將各陣於左後將及右牙將各陣於右四奇將陣於左右之間乃建大將之旗於中引四奇之都虞候各持其旗布前奇之旗於前之左布右奇之旗於前之右布左奇之旗於後之左布後奇之旗於後之右再鼓四奇就列乃令各奇引入正之都虞候各持其旗使布先鋒之旗於前奇前之右布左角之旗於前奇後之左布左爪之旗於左奇前之左布左牙之旗於左奇後之右布右角之旗於右奇前之右布右爪之旗

於右奇後之左布右牙之旗於後奇後之右布後軍之旗於後奇前之左三鼓八正就列則開四門前門在先鋒右爪之間左門在左爪左角之間右門在右角右牙之間後門在後軍左牙之間


○十二辰陣記

十二辰陣亦唐衛公李靖定邊之所作也唐太宗之初四夷內附番漢之兵雜處而並用之番長於騎漢長於步靖因其勢一變八陣而爲六花凡外營六軍各車步當前騎兵當後車步爲拒騎兵從背出此一


法也再變六花爲十二將兵凡騎分爲四步分爲八
騎居四維爲奇爲首步居四方爲正爲尾一奇各當
二正二正各向一奇一面受敵首尾相應又一法也
三變十二將兵爲十二辰混步騎而爲一凡外營周
圍十二陣皆步而騎各包步之中一奇各當一正一
正不離一奇一陣受敵各自爲戰奇正相混無不是
正無不是奇敵意其正則步開騎出而擊之以奇敵
意其奇則騎入步合而擊之以正敵不知吾正之所
在不測吾奇之所出經所謂奇正之變而循環之無

端至此而後見矣是再又一法也夫是時用兵旣久
番將薛萬徹阿史那執失思力之徒皆黠桀之資苟
騎兵別聚爲一陣教之知奇正之方則誰可得而制
者靖以步而參之騎以騎而隸之步或分之使居四
隅或折之使隨各陣屢變其名屢犯其勢何莫而非
顛倒駕御之微權也哉他日侯君集謂太宗曰陛下
使李靖教臣兵法靖匿其精者是李靖欲反也靖曰
得臣之粗者足以服四夷足矣欲得臣之精是君集
欲反也後君集果以逆誅靖之遠慮蓋如此


李靖二十辰陣




巳




午




未




申



辰




戌




卯




亥



酉



未



戌

唐太宗幸靈州回召靖賜坐曰朕命道宗及阿史
那社爾等討薛延陀而鐵勒諸部乞置漢官朕皆
從之延陀西走恐爲後患故遣李勣討之今北荒
悉平惟諸部番漢雜處以何道經久使得兩全安
之靖曰陛下勅自突厥至回紇部落凡置驛六
六處以通斥候斯已得策矣然臣愚以謂漢戍宜
自爲一法番落宜自爲一法教習各異勿使混同
或遇寇至則密勅主將臨時變號易色出奇擊之
太宗曰何道也靖曰此所謂多方以悞之之術也

番而示之漢漢而示之番彼不知番漢之別則莫能測我攻守之計矣善用兵者先爲不可測則敵乘其所之也太宗曰正合朕意卿可密教邊將只以此處番漢便見奇正之法矣靖再拜曰聖慮天縱聞一知十臣安能極其說哉

太宗曰番兵唯勁馬奔衝此奇兵歟漢兵爲弩犄角此正兵歟靖曰孫子云善用兵者求之於勢不責於人故能擇人而任勢夫所擇人者各隨番漢所長而戰也番長於馬馬利乎速鬪漢長於弩弩

利乎緩戰此自然各任其勢也然其奇正所分臣前增述番漢必變號易服者奇正相生之法也馬亦有正弩亦有奇何常之有哉太宗曰卿更細言其術靖曰先形之使敵從之是其術也

武經總要李靖曰古今以來臨戰每作四面陣周圍受敵以爲必固若選鋒擊之必破此非天殃將之失也亦或作長陣作蛇陣皆以隊伍步騎相接或被衝破一處卽敗散不全大將避潰師之罪移過於下遂使驍勇小將無罪受誅今則翻成陣制

各立陣名各分部曲各名奇正若失一陣則斬一
將形勢立就諸陣相應猶手臂相救以此攻守萬
無一失中爲中黃陣騎兵三千人並長鎗短刀已
爲前衝亥爲後衝寅爲左突申爲右擊酉爲白虎
卯爲青龍午爲大赤子爲大黑辰爲摧兎戌爲決
勝未爲先鋒丑爲破敵十二陣各步八百人爲十
二隊而爲小方陣騎兵各二百人長鎗短刀伏於
陣中隨便衝擊惟子午卯酉四衝之地更加騎兵
一百人凡都馬步軍萬八百成一大陣游奕八百

人在於寅申巳亥辰戌丑未各抽奇兵一百人充之以挑戰亂兵引敵如兵少卽於隊中減人多兵卽於隊中加數必要存其陣隊止則爲營動則爲陣逢則緊急鼓聲一發陣則立成不在勞煩指布此則應變之法出入如神攻取皆勝其小陣皆有四頭每頭配勇將一人用戰鼓一面中央立一大旗有賊攻一面卽諸陣相應同時向救轉戰只轉步卒騎兵不移每陣相去廣狹一百步狀如街陌設作挑戰引之令人作他陣皆突出弓弩騎射長

鎗左右挾擊前抄其胸後掩其尾是乃先爲不可勝以待敵之可勝也

○平戎萬全陣記

平戎萬全之陣宋太宗皇帝備造之作也車四千三百二十乘騎三萬六百五十匹兵士一十四萬九百三十人布爲前後中左右五軍之大陣前後左右各以二行相從爲表裏中以三陣相從爲輔弼故五軍而有七陣也中陣以車一千四百四十乘方布如城郭每乘卒二十二人爲戰備陣中置陣馬五十具別

用五千人守之四角置望樓八座別用八千人爲之
凡中三陣計用步兵一十一萬二百八十人也皆爲
正前陣後陣之前行各一千九百騎隊五十人前陣
後陣之後行各一千九百騎隊三十人東稍西稍之
後行各二千六百五十騎隊五十人東稍西稍之後
行各三千七百五十騎隊三十人餘六百五十騎隊
三十人分爲各陣探報之卒凡前後左右等陣計用
騎兵三萬五千人也皆爲奇蓋雍熙之時契丹內侵
太宗制此陣以禦虜騎之奔突故曰平戎萬全之陣

卷之三
夫宋不自征伐有天下莫知古人制陣之法務以輕
銳爲戒持重爲主如此則其積弱之勢實由茲而起
矣

宋太宗平戎萬全陣



右翼

左翼

北

前鋒隊

隊

望

望

門

門

門

門

門

門

門

門

門

左翼

望

望

門

門

門

門

門

門

門

門

門

門

門

隊

隊

前行每隊五十人後行
每隊三十人五隊為一點

西

隊

每隊一點

後殿

武經總要凡九陣

內方陣三前鋒陣三殿陣二左翼陣一右翼陣一

共成

一陣中心連排方陣三每陣各大將一人主之其
陣各方五里各相去一里東西占十七里每陣周

圍二十里計七千二百步每五步爲一地分用戰

車一乘兵士二十二人一陣計一千四百四十地

分戰車一千四百四十乘地分兵士三萬一千六

百八十八人無地分兵士五千人以三十人爲一

隊計一百六十六隊餘二十人其兵士隊於陣內

列行

拒馬五千具槍五千七百六十枝床子弩二千八百八十張步弩五千七百六十張掉刀

八千八百八十把小牌八千六百四十具步弩四千三百二十張圓牌四千三百二十具望樓八座每座皇子十人計八十人凡陣之四面列戰車傍牌及諸軍器皆持滿外向車中處擡櫓及軍中所用之物每陣四面皆一門爲臨時啟閉之節左右方陣持準此

東西稍陣各用騎兵萬人解鎧不用分爲兩行前

馬鎧

行配五十騎爲一隊計一百二十五隊每隊併隊眼占地五十步計一百二十五隊東西占地計六千二百五十步計一十七里一百三十步後行三十騎爲一隊亦一百二十五隊每隊併隊眼占地五十步計一百二十五隊東西占地計一十七里

九十步三路探馬三十隊每路各浮圓子排列騎

七千五百人騎槍七千五百枝圓牌七千五百面
劍一千八百七十口骨朵一千八百七十把西稍

此陣準

前後陣各用騎兵五千解鎧分爲兩行前行五十
騎爲一隊計六十二隊每隊併隊眼占地六十五
步計六十二隊占地計四千三十步計一十六里
七十步後行三十騎爲一隊每隊併隊眼占地六
十五步計六十二隊餘四十人占地計四千九十
五步計十一里三十五步五路探馬五十隊

後陣
城二

每路浮圖子

塔也排列

輕騎三千八百人騎槍三千八百枝圍牌三千八百

面額九百五十口骨朵九百五十把

後陣準此通陣凡用兵士一十

四萬九百三十人

夾車兵士九萬五千四十人無地分兵士一萬五千人守望樓

兵士二百四十人俱步前後左右陣

兵士三萬人探子六百五十人俱騎

伏詳聖制特以河朔之地遠近如砥胡虜恃馬常爲奔衝故因洞當餘法增廣其制所以挫馳突之銳明堅重之威循名摘實知神謀之有在矣

○常陣記

常陣之陣宋真宗皇帝備邊之所作也咸平景德之

間契丹西夏內侵好以弓騎暴集偏攻大陣或突我
前或邀我後或掠我左右一面不支輒爲所破不利
往往如此也真宗出陣圖觀之乃以步兵方布一大
陣於中陣外障以木拒馬或大車陣內別選精騎備
緩急號爲無地分兵陣開四門出入其陣各爲二行
更番迭用以節其力大陣之左右自精騎爲藩蔽號
爲拐馬效金人之名也大陣之前三萬騎爲前陣前
陣之前又有先鋒陣先鋒之後有策先鋒陣三者相
爲應援大陣之後二萬騎殿之並以精銳充其數真


卷之三
宗作此以代萬全後每用之故時謂之常陣其實與
萬全之陣大同而小異耳揆其所制之意惟以必生
爲主以羈縻爲道以捍禦遮蔽爲固而已長驅遠鬪
在所不欲此武備之所以不振也此國之所以亡也
儒臣不以兵爲意區區以聲容議論之末務其流禍
至於中國變爲夷狄豈不悲哉

宋 真 宗 常 阵

鋒先

鋒先策

陣前



武經總要常陣法

○大陣

大陣卽中軍陣也布陣之法大約指畫分明進退有節審地勢設陣形或排長陣卽常蛇陣或排方陣卽今

四門斗底陣以步軍槍刀手在前方陣則四面排布雜以傍牌

標槍當陣面聯布木拒馬或間以大車謂之陣脚

兵按隋書舉鹿列設戎爲方陣良弓勁弩居其後以雙刀床子

弩參之行伍厚薄出於臨時務於堅整戎馬無以

馳逐一陣開四門騎兵居其中候出戰卽開門放

戰隊出隊絕閉之有駐隊有戰隊環相爲用不竭

人馬之力若馬軍在前先蹄戰候戰久卽抽歸步

軍隊後方陣則抽歸陣中亦依門而入馬步軍都部署押

大陣觀大將旗鼓所在應敵用兵俱稟成算有先

鋒陣策先鋒陣拐子馬陣前陣拒後陣皆受節制

今以鈴轄都監每一員領一將兵多者五千人少

者三千人此陣中之陣也若裨將十員各領兵則

五萬人也押大陣東稍西稍臨時處置今不具錄

太朝景德年北面用兵選兵官
鉛轄以上押大陣東及西稍又有應募驍果及

取使臣軍校之勇幹者分押戰隊大約皆千人此隊中之隊也凡一指揮以五百人準之皆軍校一員所轄仍分隸凡一將佐一部隊一營壘大小相轄上下相維元帥統之故居則營壘辨行則陣隊成此其大較也如偏將出征或行隘狹之地則隨行布陣不可阻以常法

○東西拐子馬陣

東西拐子馬陣爲大陣之左右翼也本朝西北面行營拐子馬並選精騎夷狄用兵每弓騎暴集偏

攻大陣一面捍禦不支則有奔突之患因置拐子馬以爲救援其兵量大陣之數臨時抽揀

○先鋒陣

先鋒陣所以禦奔衝陷堅陣擊銳師盡須勇力也本朝行營常選精兵充之將領三員慮捍禦不及患在奔衝又置策先鋒爲援雍熙北伐置先鋒部署以下將佐咸平中契丹寇河北鎮定高陽開五路都部署統兵十餘萬會合選精騎二萬爲先鋒又命五將各領三千精騎陣於先鋒之前掎角相

應景德初所出陣圖防捍北狄前鋒陣外盛選銳
兵令驍將領之別爲一隊咸平中真宗觀陣圖因
曰北狄常選精悍爲前鋒若捍禦不及卽有侵軼
之患今盛選銳兵令驍將領之別爲一隊遏其奔
衝彼旣挫銳而退餘則望風不敢進矣

○策先鋒陣

置陣在先鋒陣後驍將一員統之先鋒抗敵或勢
不支則策先鋒陣爲應援制四奔突

○前陣

凡用兵排陣之法中軍大陣之前別擇銳士散爲

奇兵謂之前陣按風后握奇經曰凡兵萬二千五

百人爲軍

五十人爲一隊總二百五十隊有中壘有外壘有陣兵

五隊陣兵九十人奇兵三千五百人孫武子曰三軍之眾可使必受

敵而無敗者奇正是也謂當敵以正陣決勝以奇

兵前後左右俱能相應則常勝而無敗凡戰以正

合以奇勝

當敵爲正外擊爲奇則用奇之策揣摩敵形指向

分眾兵非貴多也乘機取勝而已咸平景德中契

丹南侵三路重兵會合中軍步騎常滿十萬人前

列傳卷之三十一
軍事
陣騎士滿三萬人約握奇圖奇兵之數

○無地分兵

無地分兵輕銳之兵也凡一指揮各領戰隊分遣指使使臣或軍頭一員押之處大將軍營陣左右前後備緩急驅使其戰隊多少臨時分置無定數

○拒後陣

拒後陣殿後兵也凡出征伐並爲拒後軍陣之制糧道居後若強寇對壘欲圖其變引重兵躡戰潛遯精銳由間道掩擊我委積輜重則須殿後捍之

咸平中親征北面觀地圖曰北虜好選精兵大戰
後斷我糧道因別選良將二員將二萬人殿後掎
角捍寇無腹皆受敵之患

門生廣陵方元壯

貴陽鍾伏武

全校